



UKA 2013/105
15. oktober 2013
NHN

Siunnersuut uunga: Suliniutini angisuuni illuliortiternernik sanaartornernillu suliassat pillugit Inatsisartut inatsisaat nr. 25, 18. december 2012-imeersup allangortinnissaa pillugu Inatsisartut inatsisaat nr. xx, yy 2013-imeersoq (suliniutinut angisuunut inatsit)
(Inuussutissarsiornermut Aatsitassaqarnermullu Naalakkersuisoq)

Suliniutinut angisuunut inatsisip allanguutissaatut Naalakkersuisut kiisami siunnersuuteqarmata Inuit Ataqatigiit nuannaarutigaaq. Inatsit taanna pisariaqarsimavoq inuiaqatigiinni annertuumik oqallisigissallugu. Siunissami suliffeqarnermut atatillugu inatsisip atuuttussat pillugit inuiaqatigiit oqallinnissaat pingaaruteqarpoq.

Naatsorsuutigissavarput siunissami suliffeqarnermi Kalaallit Nunaanni imaluunniit Nunani Avannarlerni niuerneramik ingerlatsineramik sungiussisimannigitsunik, tassuunaqqullugulu suliffeqarnermi ileqqorisatsinnik ilisimanninngitsunik, sulisitsisoqartalerumaartoq.

Taamaammat malittarisassat qanoq ittut atuukkumaarnersut eqqummaariffigilluinnassavarput. Suliniutinut angisuunut atatillugu sanaartornermi malittarisassat erseqqissarneqarnissaannut suliniutinut angisuunut inatsit atortussiaasimavoq. Inuit Ataqatigiit maluginiarparput allanguutinik eqqartuinat Naalakkersuisut saqqummiussinermut allakkiaminni erseqqissaatinik eqqartuineq pingaarteqimmassuk. Iulummi ullumi erserpoq inatsisip atuuttup oqaasertai allangortitilaaginnarlugit annerusumik saqqummiussisoqartoq.

Allanguutissatut maanna siunnersuutigineqartut ima ikitsigalutillu annikitsigaat inatsisip siullermeerneqarnerani qaqqineqarsimasinnaaalluaralutik. Naqqissuutimialuit tamakku aallaqqaataaniilli tulluarsarlugit ilanngunneqarsimasuugaluarpata taamarsuaq nalornisitsinissaq pinngitsoortinneqarsimasinnaagaluarpoq. Decemberimi taamani naammaginaruutisat ersernerluttumik oqaatigineqarput, taamaasillunilu inuussutissarsiornikkut ingerlatsinerput nalornissutigineqalersimalluni.

Taamatut nalornisitsinerup kingunerisimavaa inuiaqatigiinnut aningaasaleerusussutisip sunnerlunneqarnera. Taamaammat Inuit Ataqatigiinni nuannaarutigaaq inatsit taanna maanna toqqissimasumik sammisnaalerlutigulu Inatsisartuni naalakkersuinikkut suliagut allat aallusinnaangoratsigit.

Naluneqanngitsutut inuiaqatigiinni unammilligassarpasuarunik annertuumik peqarpoq, ujartorneqartormi tassaavoq inuussutissarsiornikkut ingerlatsinitsinni tunaagassat pingaarnersut tungaasigut isumaqatigiinneq patajaassuserlu. Tamatuma qulakkeerneqarnissaa pillugu annertuumik akisussaaffeqarpugut.

Siunnersuut aappassaaneerseqartinnagu Inuussutissarsiornermut Ataatsimiititaliamut sularisassanngorlugulu Inuit Ataqatigiit innersuussutigaaqartut ataatsimiititaliarlu sulilluarnissaanik kissaallutigu.